



Province of the
EASTERN CAPE
EDUCATION

NATIONAL SENIOR CERTIFICATE

IBANGA 11

NOVEMBA 2011

ISIXHOSA ULWIMI LWASEKHAYA(HL) – P3

AMANQAKU: 100

IXESHA: 2½ iiyure



Olu viwo lunamaphepha ama – 6.

IMIYALELO NENGCACISO

1. Eli phepha linamaCANDELO AMATHATHU:
ICANDELO A : Izincoko (50)
ICANDELO B : Imihlathana emide (30)
ICANDELO C : Imihlathana emifutshane (20)
2. Phendula umbuzo ube MNYE kwicandelo ngaliNYE.
3. Bhala ngolwimi obuzwe ngalo.
4. Qala icandelo ngaliNYE kwiphepha elitsha.
5. Kunyanzelekile ukuba uwucwangcise umsebenzi wakho (umzekelo: imephu yeengcinga/umzobo/imizobo ebonisa ukuthungelana kweziganeko/amagama angundoqo, njalo-njalo), wandule ukuwufundisisa uwuhlele. (Kunyanzelekile ukuba uyilo LUKHOKELE isincoko).
6. Kunyanzelekile ukuba zonke izicwangciso zakho uzibhale ngokucacileyo. Kuyacetyiswa ukuba ukrwele umgca ukohlula uyilo kwisihloko/ umhlathana ngamnye.
7. Uyacetyiswa ukuba icandelo ngalinye ulabele ixesha ngolu hlobo:
ICANDELO A: imizuzu engama-80
ICANDELO B: imizuzu engama-40
ICANDELO C: imizuzu engama-30
8. Nombola imibuzo yakho ngendlela enonjolwe ngayo kwiphepha lemibuzo.
9. Nika impendulo nganye isihloko esifanelekileyo.
QAPHELA: Awabalwa amagama akwisihloko xa kubalwa amagama asetyenzisiweyo kwisincoko/ kumhlathana.
10. Bhala ngokucacileyo nangokucocekileyo.

ICANDELO A: IZINCOKO

Khetha isihloko sibe SINYE kwezi zilandelayo ubhale ngaso isincoko. Bhala amagama angama-340 ukuya kuma-390 kwisincoko ngasinye.

UMBUZO 1

- 1.1 Indlela abantu abadala abaziphatha ngayo inafuthe lini kwizimilo zolutsha? Bhala isincoko siveze izimvo zakho. [50]

OKANYE

- 1.2 Into yokuzala kolutsha iliqhayiya nebhongo kule mihla. Bhala isincoko uveze izimvo zakho ngalo mba nendlela ekungaguqulwa ngayo indlela olucinga ngayo ulutsha. [50]

OKANYE

- 1.3 Abahlali bawuthathela ezandleni umthetho, babulala bonzakalise abaphuli-mthetho. [50]

OKANYE

- 1.4 Bhala isincoko esiphuhlisa le ntetho, “Indaba yotyelo ayikholi”. [50]

OKANYE

- 1.5 Xa ndinokuba nzima/ndenze nzima intombi ndisafunda, kuhlutshekwa ekhaya ndingenaye nomntu wokundijongela umntwana ndingathini? Bhala isincoko ngale meko uzibona ukuyo/uzifake kuyo nendlela ongazikhupha ngayo. [50]

OKANYE

- 1.6 Amapolisa abulawa umhla nezolo ukanti nabahlali bayabulawa bonzakaliswe ngamapolisa. Bhala isincoko ngesi sihloko utsho kuvokothoke. [50]

OKANYE

- 1.7 Qwalasela lo mfanekiso wandule ukubhala isincoko esinesihloko esifanelekileyo.



[50]

OKANYE

- 1.8 Qwalasela lo mfanekiso wandule ukubhala isincoko esinesihloko esifanelekileyo.



[50]

ICANDELO B: IMIHLATHANA EMIDE**UMBUZO 2**

Khetha umhlathana ube MNYE kule ilandelayo ubhale ngawo. Bhala amagama ali-100 ukuya kwali-120 (umxholo kuphela) ngomhlathana ngamnye.

2.1 ILETA YOBUHLOBO

Umhlobo wakho uqalisa ukungalawuleki, uthetha unothanda kumama wakhe. Mbhalele ileta umbonise ukuxabiseka komzalikazi kwanendlela esinokuyonakalisa ngayo impilo kanina isimo sakhe esigwenxa.

[30]**OKANYE****2.2 INQAKU ELIYA KUMHLELI**

Bhala inqaku eliya kumhleli ukhuphe uluvo lwakho malunga nokubaluleka kokufaka abafundi bebanga leshumi elinanye kumaphulo okuphucula iziphumo zebanga leshumi elinambini.

[30]**OKANYE****2.3 ISIVI**

Iphephandaba, 'Imvo Zabantsundu' libhengeza isithuba somsebenzi. Bhala isivi yakho uyithumele, uzifake zonke iinkcukacha ezifunekayo.

[30]**OKANYE****2.4 IMEMORANDAM**

Ningabafundi bebanga leshumi elinanye nizibona ningamakheswa kwakufikelela kumalungiselelo etheko lokuthi ndlela-ntle kubafundi bebanga leshumi elinambini. Nonyule unobhala ukuba abhalele inqununu imemorandam echaza inxaxheba eninokuyithabatha ukwenza olu suku lube yimpumelelo, nendlela eninokuncedisana ngayo nabaququzeleli beli theko.

[30]**AMANQAKU ECANDELO B: 30**

ICANDELO C: IMIHLATHANA EMIFUTSHANE**UMBUZO 3**

Khetha umhlathana ube MNYE kule ilandelayo ubhale ngawo. Bhala amagama angama-80 ukuya kwali-100 (umxholo kuphela) ngomhlathana ngamnye.

3.1 IPOWUSTA

Bhala ipowusta wazise ngomnyhadala wezenkcubeko oza kubanjelwa kwibala lebhola ekhatywayo lesixeko senu.

[20]**OKANYE****3.2 I-IMEYILE**

Thumela i-imeyile kumhlobo wakho ummemele kwitheko lesikhumbuzo somhla wakho wokuzalwa.

[20]**OKANYE****3.3 ISIMEMO**

Akusentsuku zatywala abafundi bahlalele iimviwo zokuphela konyaka, njengosihlalo webhunga labafundi yila ikhadi lesimemo, umeme umntu ongumzekelo kuni aze kunikhuthaza ukuze nifunde ngokukhuthala nangokuzithemba.

[20]**AMANQAKU ECANDELO C: 20****AMANQAKU EWONKE: 100**